



2025-2026

## Elstu börn Heilsuleikskólans Suðurvalla



Ragnhildur Hanna Finnbogadóttir og  
Kristín Arna Hjaltadóttir  
2025-2026

# Starf elstubarna

## Markmið elstu barnastarfsins eru:

- Að efla hópkennd og samvinnuhæfni.
- Að styrkja sjálfsmynd og sjálfstraust barnanna.
- Að efla skapandi hugsun og frumkvæði til náms.
- Að leggja grunn að áframhaldandi námi.

## Leiðir að markmiðum:

- Hópurinn vinnur saman að verkefnum.
- Unnið er með þemaverkefni sem byggist á að samtvinna öll námsvið leikskólans og efla þekkingu barnanna á ákveðnu viðfangsefni. Þemanám ýtir undir löngun barna til þess að læra og er grunnur að góðum námsvenjum barna.
- Farið er einu sinni í viku í vettvangsferðir þar sem börnin fá tækifæri til þess að rannsaka náttúruna, umhverfið og samfélagið.
- Farið er í íþróttahúsið einu sinni í viku.
- Numicon og stærðfræði sem er byggð á leikjum sem efla þekkingu barna á að flokka, telja, raða og styrkja hugtakaskilning.
- Unnið er eftir læsisstefnu leikskólans:
  - Við leikum okkur með stafi, hljóð og númer.
  - Ritmálsörvun
  - Við vinnum með að efla hljóðkerfisvitund – markviss málörvun
  - Flókna texta/ kór
  - Við hvetjum til heimalesturs
  - Við lesum daglega fyrir börnin í hóp.

# Starf elstubarna 2025-2025

## Kórinn

Hefð er fyrir því til margra ára hér í leikskólanum að hafa kór elstu barna. Börnin æfa í hverri viku allan veturinn og sungnir eru erfiðari textar og lengri lög en börnin hafa áður gert í leikskólastarfinu. Þetta er frábær leið til málörvunar og æfir börnin í að koma fram. Tvisvar í vetur fór svo kórinn á stúfana og söng við góðar undirtektir í desember fyrir fólk í sveitarfélaginu, í grunnskólanum, bæjarskrifstofu og í Álfagerði. Aðal tónleikar kórsins voru svo við eigin útskrift í vor.



## Ferðir á árinu:

### Sivertsen hús- byggðarsafn Hafnafjarðar

Í desember var farið að skoða Sivertsen húsið í Hafnafirði. Sivertsens-húsið er elsta hús Hafnafjarðar, byggt á árunum 1803-1805 af Bjarna Sivertsen. Hann var mikill athafnamaður í Hafnafirði á árunum 1794-1830 og rak þá útgerð, verslun og skipasmíðastöð í bænum. Börnin fengu að kynna hvernig jólin voru í gamla daga hjá Sivertsen-fjölskyldunni og fengu skemmtilega heimsókn frá óvæntum gesti.

Einnig var stoppað í Hellisgerði sem er fallegur garður rétt fyrir ofan byggðarsafnið. Þar var mikið jólasreytt og höfðu allir gaman af að skoða það.

Þegar búið var að skoða Sivertsens húsið fór hópurinn á Pallet kaffihús þar sem boðið var upp á smákökur og heitt súkkulaði. Hópurinn var til fyrirmyndar í ferðinni og fengu hrós frá mörgum sem voru á leið þeirra.

## Útskriftarferð

Í maí fóru elstu börnin í ferð með rútu í Þekkingarsetur Suðurnesja í Suðurnesjabæ. Þar fóru þau í fjöruna með starfsmanni en ekkert lifandi fannst að þessu sinni. Einnig skoðuðu þau skemmtilega sýningu um ævi og starf Jean-Baptiste Charcot og nátturufraeðisýningu þar sem bæði uppstoppuð dýr og lifandi sjávardýr eru til sýnis.



Eftir heimsóknina í Þekkingarsetrið fór hópurinn og borðaði á Antons Mamma Mía í Reykjanesbæ. Þegar búið var að næra sig var haldið í skógræktina í Háabjalla þar sem plantað var í leikskólalundinn undir handleiðslu skógræktarfélagsins og svo leikið í skóginum.

## Starf elstu barna- samstarf við Stóru-Vogaskóla

Samstarfið byggist á því að brúa bilið milli leikskólans og grunnskólans. Unnið er eftir Aðalnámskrá Leikskóla, 2011, um tengsl skólastiga. Markmiðið er að skapa öryggi og veita reynslu sem hægt er að byggja ný námstækifæri á. Á síðastliðnum árum hefur mikil samvinna verið milli Heilsuleikskólans Suðurvalla og Stóru-Vogaskóla og búið er að móta ramma sem samstarfið byggist á.

### Markmið samstarfsins eru:

- Að skapa samfellu í námi barna milli skólastiga.
- Að kennarar beggja skólastiga öðlist skilning á starfi hvers annars.
- Að stuðla að vellíðan barna við flutning milli skólastiga, gera börnin örugg fyrir áframhaldandi skólagöngu.
- Að börnin upplifi grunnskólann sem eðlilegt framhald leikskólans.
- Að miðlun upplýsinga um hag barnanna milli skólastiga sé skilvirk með það í huga að tryggja velferð, menntun og þroska nemenda samkvæmt lögum um leikskóla og grunnskóla.

### Leiðir að markmiðum:

- Leik- og grunnskólakennarar vinna saman að markmiðum.
- Samráð og gagnkvæmar heimsóknir barnanna eru markviss þáttur í starfinu.

- Elstu börn leikskólans fá góða kynningu á grunnskólanum, bæði að innan og utan.
- Elstu börn leikskólans fara í skipulagðar heimsóknir þar sem að þau kynnast dagskipulagi og innihaldi starfsins í grunnskólanum.
- Nemendur í fyrsta bekk koma í skipulagðar heimsóknir í leikskólann.
- Elstu börn leikskólans sækja íþróttatíma í íþróttahúsinu.
- Haldinn er skilafundur að vori.

## Samstarf 2024-2025

### Samráðsfundur um samstarf leik- og grunnskóla.

Kennarar beggja skólastiga mættu á fund þar sem dagsetningar og uppákomur voru ræddar. Tekið var mið af því sem hefur verið gert á undanförunum árum, starfið byggist á gagnkvæmum heimsóknum og samstarfi kennara.

Á þessum fundi var ákveðið að skipta börnunum í fjóra hópa í skólaheimsóknum. Skólaheimsóknirnar fóru fram í mars og apríl. Rætt var um að heimsóknir fyrsta bekkjar í leikskólann yrðu 3. desember og 13 maí. Elstu börnin fengu boð á bókasafnið í byrjun nóvember. Heimsókn í grunnskólann var 20. febrúar. Sameiginlegur fræðslufundur skólastiganna fyrir foreldra barna sem hefja grunnskólagöngu haustið 2025 var haldinn í Stóru-Vogaskóla þann 18. febrúar.

Elstu börnum leikskólans var boðið á generalprufu fyrir árshátíð grunnskólans í apríl.

### Íþróttir

Elstu börnin fóru í íþróttir í íþróttahúsi einu sinni í viku. Þar æfðu þau sig í að virða reglur íþróttahússins, klæða sig í íþróttaföt og efla kraft, styrk og þol. Kennarar fylgdu áætlun leikskólans fyrir íþróttir í samræmi við áherslur Heilsustefnunnar.



### Nóvember 2024

Heimsókn í bókasafnið

Guli hópur heimsótti bókasafnið og fengu fræðslu um hvernig á að fara vel með bækur frá Laumu bókasafnskennara. Lauma las skemmtilegar sögur fyrir hópinn og að lokum fengu börnin að skoða bókasafnið og bækurnar sem eru þar í boði. Börnin voru hvött til þess að koma aftur með foreldra sína í heimsókn. Einnig fengu allir að velja sér bók til að taka með heim.

### 3. desember

1. bekkur kom í heimsókn með kennurunum sínum. Boðið var upp á starf í listasmiðju og íþróttasal auk þess sem var leikur inni á Háabjalla. Hóparnir sungu líka saman jólalög og endurnýjuðu gamlan vinskap.

## Janúar 2025

Skoða skólalóðina.

Í vetur skoðuðu elstu börnin skólalóðina, rætt var um lóðarmörk og hvar má og hvar má ekki leika sér í frímínútum. Hópurinn fékk tækifæri til að prófa útileiktækin, fótboltavöllinn og rústirnar sem eru inn á skólalóðinni. Vakinn var athygli á skólabjöllunni sem segir til um hvenær börnin fara í og úr frímínútum.

## 20. febrúar 2025

Elstu börnin í heimsókn í Stóru- Vogaskóla.

Hilmar skólastjóri Stóru-Vogaskóla tók á móti hópnum, sýndi þeim skólann og sagði frá því sem þar fer fram. Mikið var um að vera og skoðaði hópurinn meðal annars, unglिंगadeildina og náttúrufræðistofuna og fengu að skoða í beinagrind og fleira. Hilmar gaf þeim góða kynningu og svaraði spurningum barnanna á því sem fer fram í skólanum.



## 18. febrúar 2025

Fræðslufundur foreldra

18. febrúar var haldin fræðslufundur fyrir foreldra barna fædd 2019 í Stóru-Vogaskóla. Tilgangur fundarins var að fræða foreldra um starfið sem er búið að vinna og það sem framundan er. Mjög góð mæting var á fræðslukvöldinu. Hilmar skólastjóri og Rebekka kennari 1.bekkjar voru fulltrúar grunnskólans en Kristín deildarstjóri Háabjalla og Tinna sérkennslustjóri var fyrir hönd leikskólans. Farið var yfir praktísk atriði fyrir foreldra, mikilvægi þess að lesa fyrir börnin og að passa upp á að þau fái nægan svefn. Farið var yfir starfið framundan í leikskólanum s.s. skólaheimsóknir og elstu barna starfið og svo var góð kynning á upphafi grunnskólagöngu, hlutverki kennara og foreldra, mikilvægi góðs samstarfs og fleira áhugavert. Foreldrar fengu tækifæri til þess að spyrja út í væntanlega skólagöngu barna sinna auk þess sem þeir sem vildu gengu um skólahúsnæðið með Hilmar. Foreldrar voru mjög ánægðir með fundinn og þar var mörgum spurningum þeirra svarað.

## Febrúar og mars 2025

Nemendurnir leikskólans fóru í fjórum hópum með leikskólakennara í heimsókn í Stóru-Vogaskóla og voru heilan skóladag í fyrsta bekk.

Kl. 8:10 – var lagt af stað frá leikskólanum.

Kennari og nemendur fyrsta bekkjar tóku á móti leikskólabörnunum.

Farið var í kennslustundir, tekið þátt í nestisstund, (leikskólinn sá um að útbúa nesti), börnin prófuðu að fara út í frímínútur, tóku þátt í heimastofuverkefnum, stöðvavinnu, heimilisfræði, myndmennt og borðuðu hádegisverð í grunnskólanum. Öll börnin fengu mjög góða innsýn í skólustarfið með þessum heimsóknum.

Heimsóknin veitir leikskóla börnunum öryggi, þau fá tækifæri til þess að upplifa það sem fer fram í skólanum. Þau fá að læra á skólabjölluna og kynna sér salernisaðstöðuna en þessir litlu þættir eru það sem skipta miklu máli fyrir öryggiskennnd barnanna sem senn hefja grunnskóla göngu. Grunnskólanemendur fá tækifæri til að aðstoða leikskóla hópinn og kynna helstu atriði sem þeim finnst skipta máli í skólanum.

Mikilvægt er að kennarar fylgja hópnum í heimsóknir það veitir þeim innsýn í skólastarfið og er því auðveldara að ræða við börnin um grunnskólagönguna sem er framundan.



## 13.maí 2025

Vorhátíð fyrsta bekkjar og elstu barna leikskólans.

Þriðjudaginn 13. maí kom fyrsti bekkur Stóru-Vogaskóla í heimsókn í leikskólann. Dagskráin að þessu sinni var með þeim hætti að leikskólabörnin tóku á móti vinum sínum í 1. bekk á útisvæði leikskólans. Veðrið var yndislegt þennan dag svo að upplagt var að leika saman á útisvæði. Fyrir hádegismat fóru allir inn í íþróttasal og sungu saman kórlögin. Við buðum svo fyrsta bekk að borða með okkur en að þessu sinni völdu leikskólabörnin að bjóða upp á pizzur í hádegismat.

## 5.maí 2025

Skilafundur

Sérkennslustjóri, deildarstjóri, skólastjóri, deildarstjóri sérkennslu, þroskaþjálfari yngstastigs og kennari sem tekur á móti börnunum í 1. bekk hittust og ræddu um barnahópinn. Afhent voru gögn sem gætu verið gagnleg fyrir velferð barnanna á næsta skólaári.

Júní 2025

Ragnhildur Hanna Finnbogadóttir

Kristín Arna Hjaltadóttir